


Edizione diplomatica



px/public/S%20%284%29_11.png&itok=fckwkSQ-

Bernard.

POis me preiaz segnor.
Qeu chant eu chanterai.
Et can cug chantar plor.
Mantas uez qe mo sai.
Greu uerrez chantador.
Ben chant pois mal li uai.
Ua mi del mal damor.
Melz qe no fez anc mai.

Image not found

https://letteraturaeuropea.let.uniroma1.it/?q=sites/default/files/styles/330_px/public/S%20%285%29_8.png&itok=KEoh59fY

Et doncs per qe mesmai.

Gran ben (et) gran honor.
Conosc qe deus mi fai.
Qar am la bellisor.
Et illls mi qeu mo sai.
Mas eu soi sai aillor.
Et no sai com li uai.
Si mauci de dolor.
Qar ochaison non ai.
De souenz anar lai.

Mantas uez can seschai.
Qan de li me soue.
Qi ques cride nis brai.
Eu non aug de nulla re.
Tan dolcemen me trai.
La bella al cor de se.
Et cals ditz qe soi sai.
Et so cuic (et) so cre.
Qe de sos oillz non ue.

Amors (et) qe farai.
Se ia garai ab te.
Per ma fe eu morrai.
Del desirer qem te.
Se la bella ou iai.
Non ma de iosta se.
Qeu labraz (et) la bai.
Et la strenia uas me.
Lo seu cors blanc (et) le.

Ges damar nom recre.
Per mals ni per afan.
Et qan deus me fa be.
Nol refuc nil soan.

Image not found

https://letteraturaeuropaea.let.uniroma1.it/?q=sites/default/files/styles/330_px/public/S%20%286%29_5.png&itok=ovcGBy94

Et qant eu non aire.
Sai ben cobrir mon dan.
Cal a coza coue.
Com san otras lonian.
Per meillz saillir en an.

Bona do(m)pna merce.
Del uostre fin aman.
Qem prei per bona fe.
Canc ren non amei tan.
Man iontas ab cor cle.
Uos mautrei en coman.
Et se locs sen deue.
Fazez me bel senblan.
Qe molt nai gran talan.

Mon escudier (et) me.
Don deus cor (et) talan.
Candui anem truan.

Et ills qe men ab se.
Cho qama ses enian.
Et eu mon aiman.

- letto 433 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropaea.let.uniroma1.it/?q=laboratorio/edizione-diplomatica-2285>